

陳存仁編校

皇漢醫學叢書

攝陽下津編

幼科證治大全

上海中醫學院出版社

幼科證治大全

提

要

本書攝陽下津氏所撰輯。關於孩童病症。莫不搜列。嬰兒經驗效方。隨證附述。原名古今幼科摘要。蓋其錄要刪繁。而適於施用耳。書凡一百又六門。每門首列病論。次列方藥。皆取先賢遺書。書名冠於其上。如醫林、大全、醫鏡、入門、準繩、綱目、直訣、全幼、聖惠、百問、經驗、寶鑑、正傳、備急、外臺、病原、保元、局方、諸書。皆爲其採用。文簡義明。頗堪應用。實其羣生之結晶。亦不愧爲保赤之圭臬也。

序

夫嬰童良方數千。懸採摭一千餘件。以便日用。近間二三閱之者曰。此書所編。盡取前賢舊方。補瀉溫涼等之劑。摘其要點。能用之者。藏于藥笥。以便調劑遺忘。則豈云無少補乎。

寶永六年己丑歲冬十月吉日攝陽下津氏

幼科證治大全目錄

一	胎寒	一	二〇	內釣	三
二	胎熱	二	二一	急驚風	三
三	胎肥	三	二二	慢驚	一六
四	胎瘦	三	二三	慢脾	一九
五	不乳	三	二四	物觸	一九
六	胎驚	三	二五	天釣	二〇
七	胎黃	四	二六	疳證	二一
八	撮口	五	二七	感冒	二一
九	口瘡	六	二八	濕證	二三
一〇	鎖肛	六	二九	諸熱	二四
一一	疳突	七	三〇	脾胃	二五
一二	月裏生疳	八	三一	腹脹	二六
一三	變蒸	八	三二	傷食	二八
一四	眼閉	九	三三	腮腫	二九
一五	疳風	九	三四	疳證	二九
一六	夜啼	一〇	三五	虛羸	三四
一七	客忤	二	三六	嘔吐	三五
一八	中惡	二	三七	吐水吐蟲	三八
一九	哭無聲	三	三八	泄瀉	三八

三九	霍亂吐瀉	四〇	六〇	臍瘡	七二
四〇	痢疾	四四	六一	蛔蟲	七三
四一	腹痛	四八	六二	尾骨痛	七五
四二	心痛	四九	六三	陰腫	七五
四三	瘰癧并食積	四九	六四	脫囊	七六
四四	咳嗽附喘急	五一	六五	陰腫疝氣	七六
四五	瘰癧	五四	六六	盤腸氣	七八
四六	驚口瘡	五六	六七	脫肛	七九
四七	口瘡	五七	六八	遺尿	八〇
四八	重舌	五九	六九	白濁	八一
四九	木舌	六〇	七〇	便血	八二
五〇	弄舌	六一	七一	淋疾	八二
五一	走馬牙疳	六一	七二	尿血	八四
五二	吃泥土	六二	七三	吐血	八四
五三	赤遊丹毒	六三	七四	鼻衄	八五
五四	喉痺	六四	七五	小便不通	八六
五五	眼疾	六五	七六	大便不通	八七
五六	耳疾	六七	七七	大小便閉	八七
五七	鼻瘡	六八	七八	腫脹	八八
五八	頭瘡	六九	七九	黃疸	九〇
五九	白禿瘡	七一	八〇	疳症	九一

八一	解頤	九三	九四	尅病	九九
八二	鶴膝	九四	九五	諸瘡癰疥	〇〇
八三	行遲	九四	九六	眉瘡	〇一
八四	語遲	九五	九七	凍瘡	〇一
八五	齒遲	九六	九八	湯火瘡	〇一
八六	髮遲	九七	九九	懸癰	〇二
八七	龜胸	九七	一〇〇	發斑	〇二
八八	龜背	九七	一〇一	癰毒腫節	〇三
八九	顛陷	九八	一〇二	瘰癧	〇四
九〇	顛填	九八	一〇三	滯頤	〇五
九一	手拳不展	九八	一〇四	痘瘡	〇六
九二	腳拳不展	九九	一〇五	水痘	〇九
九三	白虎	九九	一〇六	麻疹	一九

幼科證治大全

攝陽後學 下律壽泉

一 胎寒

小兒初生百日內。覺口冷腹痛。身起寒粟。時發戰慄。曲足握拳。晝夜啼哭不已。或口噤不開。名曰胎寒。其證在胎時。母因腹痛。而致寒。經云。胎寒多腹痛。亦有產婦喜啖生冷。或胎前外感風寒暑濕。治以涼藥。內傷胎氣。則生後昏昏多睡。聞乳滿口。若不早治。多成慢驚。

【醫林】 川白薑散 治產婦胎中受寒。令兒腹痛不乳。

木香 陳皮 枳榔子各一分 肉桂 白薑

甘草各半分

右水煎。綿繭與之。嘔加木瓜。丁香。南薑。李氏曰。面青四肢冷。去枳榔子。加當歸。川芎。東井翁曰。加麝香。砂仁。去枳榔子為良方。

【薛氏】 六君子湯 腹痛手足冷。惡寒。依本方。加炮

一胎寒

姜以溫中。

【醫統】 當歸散 治小兒胎中受寒。面色青白。腹痛啼哭不寧。

當歸 宣桂 川芎 白薑 香附 木香 甘草各半分

右為末。每服一字。以乳汁調下。日二服。看大小。加減服之。

【大全】 當歸散 楊氏方 治小兒胎寒。面青。肢冷。大便青黑。腹痛。

當歸 黃芪 細辛 黃芩 龍骨 桂心 赤芍各半兩

右為末。每服一字。以乳汁下。

【醫統】 今氣散 治小兒胎寒。咳嗽。氣喘。腹脹。

桔梗 陳皮一錢 砂仁 茴香各五分 白薑二分半 粉草四分

右為細末。每服一字。空心沸湯調下。

一

【醫統】 參苓白朮散 治小兒脾胃虛寒。瀉泄。不思乳食。

【醫統】 白芍藥湯 治胎腹痛。乳母同服。

白芍炒 澤瀉各一錢 炙甘草 薄荷各一分
右水煎。入姜三片。鈎藤一錢。如乳母服宜大劑。

一一 胎熱

某氏曰。小兒在胎。母食熱物之物。或熱藥。令兒生下。身熱面赤。眼閉口熱。痰盛喘急。大便不通。小便赤澀。多因胎中受熱。或因誤服溫劑。致令熱蓄於內。蒸胎氣。固有此證。若久而不治。則轉口重舌紫赤丹瘤。急驚風。皆由此而生也。

【入門】 釀乳方 楊氏方 主生下面赤眼閉。二便不通。不飲乳。

生地黃二錢 澤瀉二錢半 猪苓 赤茯苓

天花粉各一錢半 茵陳 甘草各一錢

山梔子

右水煎。令乳母捏去宿乳。却服藥。少頃乳之。

【醫統】 木通湯 治小兒胎熱諸熱。腸腑閉澀。瘡毒丹斑。母子同服。

木通 扁豆各二錢 大黃 赤茯苓

甘草各三錢 瞿麥 滑石 山梔子 車前

黃芩各一錢

右入燈心。薄荷。水煎服。

【醫統】 甘豆湯 治小兒胎熱。

甘草一錢 黑豆二錢 淡竹葉十片

右入燈心。水煎服。

【準繩】 四聖散 治芽兒受熱毒。生下兩目不開。

燈心 黃連 秦皮 木賊

右入棗。水煎澄清。去渣。無時洗面目。自開。後服地黃膏。

【準繩】 地黃膏 治小兒胎熱。

山梔子 黑豆粉各一兩半 粉草六錢

右爲末。用生地黃搗杵兩半。和好蜜一兩半。以薄瓦

器盛在銅銚內。煮成膏。如稀糊。候冷。候分入前末。同

在乳鉢內再研勻。和丸。芡實大。每以半丸。麥門冬湯

化服。

【綱目】 胎熱地黃湯 治兒生下面赤眼閉。身體壯

熱。哭聲不止。熱如湯。乃胎熱之候也。

生乾地黃 赤芍 川芎 當歸 瓜蒌根

右水煎。產婦可服。抹些入兒口。

小兒初生。有胎熱證者。宜先以木通散煎與母服。使

通於乳。令兒飲之。通心氣。解煩熱。不可求速效。乳母服藥。漸次解熱。百無一失。若以涼藥攻之。損脾胃。必致嘔吐。變生大患也。

二 胎肥

小兒生下。肌肉厚。通身紅如血色。滿月已後。漸漸肌瘦。目白睛紅。花色。五心熱。大便難。時時吐涎者是也。常用浴體法主之。

【直訣】浴體法 治肥胎。併胎怯胎熱。

烏蛇肉酒浸焙末 白礬 青黛各三錢 蟬梢

辰砂各五分 天麻二錢 麝香一字

右同研勻。用水三碗。入藥三錢。桃枝一握。同煎至十沸。溫浴之。勿浴背。

薛氏曰。案浴體法。乃開發腠理。疎泄陽氣者也。其胎氣果熱。在暑月。庶幾可用。其或胎怯用前法。恐復傷真氣也。

四 胎瘦

【醫林】長生丸 主治瘦怯。面黃白睛多喜哭。身肌

肉薄。大便秘白。屬肺。

檳榔子 枳殼各一兩 木香五錢 砂仁

二胎熱 三胎肥 四胎瘦 五不乳 六胎驚

半夏 丁香 肉豆蔻 蟬梢各二十個

五 不乳

不乳者。謂初出胞胎。而不吮乳也。嬰兒初出胎時。其聲未發。急以手拭其口。令惡血淨盡。不得下咽。即無他病。若拭口不全。惡穢入腹。則令腹滿氣短。不能吮乳。或產母取冷過度。胎中受寒。致令兒腹痛也。宜投荖丸。

【醫林】荖荖丸

赤荖荖 黃連 枳殼各等分

右爲末。煉蜜爲丸。如梧子大。每服一丸。乳汁化下。

【準繩】朱砂丸 治三歲以下。口胃閉不吮乳。

朱砂 牛黃 麝香 丁香 甘草炙

人參各一分 犀角 黃芪 石膏研細水飛

五靈脂各半兩

右搗羅研勻。蜜丸。如菉豆。熱水下三丸。日四五服。

治穢惡入腹。令兒嘔吐不乳方。

木香 乾姜生 荖荖 甘草 木瓜

丁香各等分

右水煎。綿蘸滴與之。

六 胎驚

巢氏曰。小兒在胎。因母驚悸。有所觸摸。驚氣入胎。子乘母氣。降生之後。其兒精神不爽。顏色虛白。初則溫溫有熱。其後頰赤多驚。物動則恐。聲響則悸。印堂青色。壯熱。乳睡中多驚。手足微掣。久則成癇。

【醫統】青龍丸 治小兒胎熱。化痰鎮驚。

人參 天麻 茯神 白附子 南星 各一兩

甘草炙錢半 青黛一錢 硃砂水飛牛黃

麝香一錢

右爲細末。煉蜜爲丸。梧子大。用鈎藤皂莢子煎湯研化。不拘時服。

【醫統】參蜆散 治小兒胎驚。定心神。

天葵子 天竹黃 人參 硃砂 全蝎 天麻

蟬退 麝香少許

右爲末。煉蜜爲丸。如梧子大。每服一丸。金銀湯下。

【準繩】獨活湯 治胎驚。發散風邪。

羌活 獨活 各一分 檳榔子 天麻 麻黃

甘草各半分

右水煎服。於內加南星末。暫調下。可貼額用。

【醫林】至聖保命丹 治小兒胎驚。內吊。腹肚堅硬。

目睛上視。手足抽掣。角弓反張。但是痰涎壅盛。一切

急慢驚風並治。

全蝎十四個 白附 天南星 白蘞

硃砂另研 麝香另研各一錢 防風

天麻各二錢 金箔十片 蟬退一錢

右爲細末。和勻。以粳米煮飯。取中心軟者。搜爲丸。每

兩作四十九丸。初生兒半丸。乳汁化下。周歲兒一丸。金

銀薄荷湯化下。十歲左右。有急候者。二丸。薄荷湯化

下。常服鎮心。

【醫統】猪乳膏 治小兒諸驚。胎癇。

全蝎一個 琥珀 硃砂少許

右爲末。每服一字。麥門冬煎湯調下。

【醫林】一方傷氏 治胎中受驚。故未滿月。而發驚。

辰砂研細 牛黃少許

右取乳汁調稀。抹入口中。加麝香少許。吮妙。乳母服

防風通聖散。

七 胎黃

千金論云。小兒生下。遍身面目皆黃如金色。身上壯

熱。大便不通。小便濁赤。不思乳食。啼叫不止。此胎黃

之候也。皆因母受熱。而傳於胎也。

【準繩】生地黃湯 治小兒生下胎黃。

生地黃 赤芍 川芎 當歸 括萎仁 各等分

右水煎乳母服。時時少抹入兒口中。

【全幼】犀角散 治小兒胎熱。一身盡黃。

犀角 茵陳 瓜蒌根 升麻 甘草 龍膽草

生地黃 寒水石 煨各等分

右水煎服。

【準繩】地黃湯 治胎黃。

生地 赤芍 天花粉 赤茯苓 川芎 當歸

猪苓 澤瀉 甘草 茵陳

右水煎服。

【醫統】生地黃飲子 治小兒生下。滿身面目俱黃。

狀如金色。面赤身熱。眼閉不開。大便不通。小便如梔

汁。滿身生瘡。

生地 赤芍各二錢 羌活 當歸各一錢

甘草二分

右爲極末。用燈心煎湯服。產婦宜服。抹少入兒口內。

八 撮口

聖惠論。小兒撮口。皆白在母胎中。挾於風熱。兒生之後。氣血未調。洗浴當風。而成此病。若口吐白沫。四肢覺冷。必難用藥也。小兒患諸風疾。傳入惡候。至於撮口。病致危急。凡有臍風撮口。胎風撮口。鎖肚撮口。釣

腸撮口。卵疝撮口。應病悉入成風。入心脾俱能撮口。夫患在撮口者。皆由結鬱于中。及于腸胃閉不得通。氣不能化。腹中滿脹。肚下青筋。撮口不乳。證候甚急。若不速與利下。無可救療。若將撮口以爲常。少緩之則斃矣。

【醫林】姜蠶散傷氏方 治面目黃赤。氣息喘急。啼

聲不出。蓋由胎氣挾熱。流毒心脾。故令舌強唇青。撮

口飲乳有妨。

真姜蠶

右爲末。蜜調塗口。又牛黃研。竹瀝調一字。抹口中。

聖惠方

【醫統】辰砂蠶散 治初生撮口。

辰砂水飛五分 蠶散炒一錢 蛇退炒一錢

麝香研半分

右爲細末。少許用蜜調。傳唇口。

【準繩】撮風散 治小兒撮口。

赤脚蜈蚣半條炙 鈎藤二錢半 硃砂 姜蠶

全蝎梢各一錢 麝香一字

右爲末。每服一字。竹瀝調下。

【醫林】天麻丸 治釣腸鎖肚撮口。

天南星炮二錢 白附子 牙硝 天麻

五靈脂 全蝎焙各一錢 巴豆霜一字

輕粉半錢

右爲末。稀糊丸如麻子大。每服一丸。薄荷湯調下。

【準繩】 甘草湯 治小兒撮口取肚。

甘草生一錢

右煎服。令吐出痰涎。即以猪乳點入口中。即痊。

【醫林】 益脾散 撮口用龍膽湯。天麻丸類。以去痰

涎。後用此方補脾胃。

茯苓 人參 草薢 木香 甘草 陳皮

厚朴 紫蘇子炒各等分

右爲末。每服一錢。姜棗水煎服。

九 口噤

葉氏病源云。小兒在胎。母吃熱物入臟腑。兒生之後。熱毒結聚。滿口舌上其形如粟。令兒不能開口。名曰口噤。

【醫統】 定命散 治小兒初生口噤不乳。

蟬蛻十枚 全蝎七個

右爲極末。入輕粉少許。和研。用乳汁調化服。

【醫林】 辰砂膏 治眼閉口噤。啼聲漸少。舌上聚肉如粟米狀。吃乳不得。口吐白沫。大小便皆不通。蓋由

胎中感受熱氣。流毒於心脾。故形見於喉舌。或爲風邪所搏致之。

辰砂三錢 硼砂 馬牙硝各一錢半

玄明粉二錢 全蝎 真珠末各一錢

麝香一字

右爲細末。好油紙包裹。自然成膏。每用一豆許。乳汁調敷乳頭上。吃下。金銀薄荷湯下亦可。有潮熱。甘草湯下。

【全幼】 辰砂全蝎散 治初生兒口噤。

辰砂飛半錢 全蝎炙二十枚 硼砂 龍腦

麝香各一字

右爲極末。用乳母唾調。塗口唇裏。及牙齒上。或用猪乳少許。調入口內。

【兵部】 一方 治小兒口噤體熱。用竹筴二合煖敷。分三四服。

【本草】 一方 治小兒口噤。牙關不開。

天南星一枚

右煖熱。紙裹斜包剪一小孔。透氣于口中。牙關自開也。一方用生南星。同薑汁擦之。自開。

小兒由胎中受熱，熱毒壅盛結肛門，閉而不通，無復滋潤，所以有鎖肛之候。若至第三日不通，急令婦人以溫水漱口，吸嘔兒前後心，並臍下，手足心，共七處，凡四五次，仍以輕粉半錢，蜜少許溫水化開，時時將少許服之，以通爲度，如便不通，即是肛門內令當以物透而通之，金簪爲上，玉簪次之，須深入二寸許，以蘇合香丸納入孔中，糞出爲快也。若肚腹膨脹，不能飲食，作呻吟聲，至於一七，難可望其有生也。

【醫統】蘇合香丸 治小兒鎖肛，大便不通。

蘇合香 治入安惠油內各一兩

安惠香 別爲末，無灰酒一升，熬成膏

薰陸香 另研一兩 青木香 麝香 白檀香

沉香 丁香 白朮 烏犀屑 硃砂研水飛

訶梨勒 香附子 藁撥各一兩 龍腦五錢

右爲末，煉蜜丸，梧子大。

【醫統】豬膽煎 治導法入小兒肛門。

豬膽一枚，以竹管一個，插入膽內，以絲線密密扎

定，以竹管插入肛門，方通膽汁入，即通。

一一 臍突

臍爲見之根帶，胎氣固，則形體壯，臍深則根命長，受

九口藥 一〇鎖肛 一一臍突

氣乖違，形變臍突。凡兒斷臍，利益漸長，漸深，吮乳輒和，愈實，是血脈之相順，致形體之相資。初生之兒，有熱在胃及胸腔，則頻頻伸引，呃呃作聲，努腹，其氣抑入根本之中，所以臍突腫赤，虛大可畏。無識之人，將謂斷臍不利，而使然者，則非也。斷臍不盈，亦一臍之內，隨其根帶自腐，實者深之，弱者淺之，深淺之理，以其稟賦得之，良由胎中母多驚熱，宜與散熱之藥，其臍歸本，不必以毒藥傳之，恐毒傷入爲害。

【醫統】山梔五苓散 治小兒臍突。

梔子炒 白朮炒 茯苓 猪苓 澤瀉各一錢

官桂五分

右爲極末，每服一錢，或五分，用蜜湯，燈心湯調下。

【醫統】二豆湯 治前證。

赤小豆 豆豉 天南星 白斂各一錢

右爲細末，每用半錢，用芭蕉自然汁，調傳臍四旁。

日一次，二日二次，若得小臍下白即安。

【準繩】外消散 治嬰孩初生，旬日外臍突，或不痛，

痛則啼聲不止。

大黃 牡蠣炒各五分 朴硝二錢

右前二味，劉焙爲末，仍入朴硝，乳鉢內同杵勻，抄一錢或二錢，取田螺淨洗，再以水半盞，括過一宿，去螺

用水調塗腫處即消。其蟻仍放水中勿害之。昔賢有曰。殺生救生。去生遠矣。物命雖微。亦可戒。

一一一 月裏生嘔

【醫林】 硃砂丸 月裏生嘔。先用之下之。如利後用硃沉煎。惡物下而不嘔也。

硃砂 南星 巴豆各半兩

右爲細末。麵糊丸如黍米大。每服二九。量病虛實大小。或天吊。目睛上視。每服四五丸。薄荷湯下。

【醫林】 硃沉煎 治小兒嘔吐不止。

硃砂二錢 藿香三錢 滑石五錢

丁子十四粒

右爲細末。每服半錢。用新汲水一盞。香油滴成花。抄藥在上。須臾墜下。澄去水。別用水。空心送下。

一二二 變蒸熱

小兒之初生。血氣未足。陰陽未和。臟腑未實。骨格未全。有變蒸之候。每三十二日一發熱。或吐或汗或呻吟不食。此爲長血脈。全智慧之常候。不須治而自愈。按諸家所論。皆謂乃小兒長骨脈。臟腑與神智也。自生之日始。每三十二日一變。凡人有三百六十五骨。

除手足四十五碎骨外。止有三百二十骨。自生下骨而上一日十骨。三十二日。乃爲一變。骨氣始全。一變生一臟。或一腑。十變則臟腑始足。每變發爲虛熱。諸證。亦有胎氣壯實。暗變無發熱證者。此骨節臟腑。白變而全。胎毒亦因變而散。爲兒醫者。可不審乎。

【準繩】 柴胡湯 治變蒸骨熱心煩。啼叫不止。

人參 甘草炙 麥門各二錢 防風

龍膽瀉肝炒黑各一錢 柴胡五分

右每服一錢。水煎服。

【百問】 調氣散 治變蒸吐瀉不乳。多啼。慢驚欲發。

木香 香附 人參 陳皮 藿香

甘草炙各一錢

右入姜棗。水煎服。

【醫林】 當歸散 治變蒸有寒無熱。泉按醫統有寒熱者。用之云。

當歸二錢

人參一錢 醫統只用三分

官桂一錢 醫統三分 甘草三分

右入姜棗。水煎服。

【醫統】 調元散 治小兒變蒸。脾弱不乳。吐乳多啼。

人參 陳皮 白朮 厚朴姜製

香附子各二錢 藿香 炙甘草各五分

右入姜棗水煎服。

【醫統】參杏膏 治小兒變蒸潮熱。

人參半錢 杏仁一錢 炙甘草一錢

升麻五分

右爲極末。百日已前。每用一字。麥門冬煎湯調服。

【經驗】柴胡飲子 治兒變蒸之期。有似傷寒兩疑

之間。用之極穩。

柴胡 紫蘇 薄荷 陳皮 黃芩各五分

炙甘草三分 桔梗五分 芍藥五分

右入姜棗水煎服。

【寶鑑】紫陽黑散 治小兒變蒸壯熱。亦治傷寒發

熱。

麻黃二錢 大黃酒炒黑一錢 杏仁二錢

右同一處搗和。燒存性。以杏仁膏和之。密器盛。每服

一豆許。乳汁調和灌之。

【醫統】平和飲子 治嬰兒變蒸。於三日後。三日進

一服。可免百病。百日內宜服。

人參錢半 白茯苓一錢 炙甘草五分

升麻二分

右水煎服。弱者。加白朮一錢。

一四 眼閉

小兒初生。眼閉不開者。由產母食熱毒之物。致成疳疾。治法當以熊膽少許。蒸水洗眼上。一日七八次。如三日不開。用生地黃湯服。仍洗乳頭。須要山茵陳湯以開眼。

【醫統】生地黃湯 治兒初生眼不開。

乾生地黃 赤芍 川芎 當歸 瓜蒌根

甘草各一錢

右爲末。少許。抹兒口中。燈心煎湯調抹入口中。連服效。

【醫統】山茵陳湯 釀乳

山茵陳 澤瀉各三錢 瓜蒌根 猪苓

甘草生 生地黃各一錢半

右爲呖咀。水煎服。初服二服。且捏去宿乳。第三服後。却令兒吃乳。若產母自乳。亦可服。

【準繩】四聖散 治嬰孩胎受熱毒。生下兩目不開。

燈心 黃連 秦皮 木賊 桑各半兩

右呖咀。水煎。澄清去渣。無時頻洗。兩目自開。

一五 臍風

小兒生後有臍風證者。多因斷臍帶後。爲風濕所傷而成也。風入臍者。令臍腫腹脹。口撮多啼。不能飲乳。謂之臍風。若入經絡。多變爲癰。當作癰證治之。

【醫統】控痰飲 治臍風。宜先用此吐風痰。次用益脾散和脾。又用辰砂膏利驚。即愈。或手足攣拳。口不開不治。

蝎梢 銅青各五分 硃砂一錢 膩粉一字 麝香少許

右爲末。每服一字。臘茶清調下。先吐風痰。然後和胃。【醫統】宣風散 治小兒初生。因斷臍後。外傷風濕。唇青不乳。多喘撮口。

全蝎二十一個頭足全。去毒。用無灰酒炙盡。爲末用。麝香一字另研

右爲極末。用半字金銀煎湯。或麥門冬湯。調化。食遠服。

【準繩】防風散 治初生兒臍風。

防風 羌活 白芷 當歸 黃芪 甘草各五分

右爲極細末。少許燈心麥門冬煎湯。調化。

【正傳】張氏方 治小兒臍風撮口。因臍斷傷風。或尿在胞中。遂成臍風。發熱面赤。啼聲不出。

赤脚金頭蜈蚣一條 麝香五分 蝎梢四箇

殭蠶七箇

右細末。鷄毛管吹些少入鼻中。如噴嚏叫聲可治。後用薄荷汁調與服之。

【入門】千金龍膽湯 治小兒初生臍風撮口。月內胎驚。氣逆發熱。

龍膽 鈎藤 柴胡 黃芩 桔梗 赤芍 茯苓 甘草各半分 大黃一分 蜈蚣一枚

右爲末。每一錢或五分。煎湯調服。一方去蜈蚣。加人參川芎。水煎服。治小兒疳熱病。

【準繩】大連翹湯 治胎熱臍風。小便不通。及諸般瘡毒。

連翹 瞿麥 荆芥 木通 赤芍 當歸 防風 柴胡 滑石 蟬殼 甘草炒各一錢

山梔子 黃芩各五分 右水煎服。

一六 夜啼

按夜啼者。有陰陽二證。陰者。臍冷也。夜則陰盛。與冷相搏。臍氣交擊。故作痛而啼。陽者。臍熱也。夜則陽衰。與臍熱交擊。亦作痛而啼也。

【醫統】安神散 治小兒一百二十日內夜啼。

蟬蛻四十九個只用棗半錢

右爲細末分作四服用鉤藤煎湯不時調化服。

【全幼】萬金散 治嬰孩小兒臟冷夜啼。

當歸 丁香 乳香 人參 五味子各二錢半

白朮半分 沉香一錢半 肉桂半錢

赤芍炒半分

右水煎食後服。

【丹溪】治小兒夜啼。

人參二錢半 黃連一錢半 炙甘草半錢

竹葉二十片

右姜水煎。

【直訣】當歸散 治夜啼不乳。

當歸 白芍 人參各二錢半 甘草一錢二分

桔梗 陳皮各一錢

右水煎服之。

【百問】鉤藤散 治小兒夜啼及臟冷。

鉤藤 茯神 川芎 當歸 木香 甘草

白芍各一錢 茯苓二錢

右姜棗煎服。

【醫統】五味子散 治小兒夜啼及腸痛至夜則似

鬼祟。

五味子 當歸 赤芍 白朮各五錢 茯神

陳皮 肉桂 甘草各二錢

右水煎服。

【醫統】燈花膏 治小兒夜啼不已。

燈花七分 硃砂一字

右研末白蜜調兒睡抹唇內。

【綱目】小兒夜啼黃連姜汁炒甘草竹葉煎服。

【醫鑑】一方用燈心燒灰付乳上令兒吮之。

【入門】四君子湯 治夜啼氣虛者。

本方加山藥扁豆 挾熱加黃連竹葉。

【入門】一方治氣血俱虛腹痛夜啼者。

黃芪 當歸 赤芍 木香 甘草等錢

右爲末着乳頭上使吮乳服之。

【濟世】一方治驚啼用亂髮燒灰酒調服。

【直訣】蟬蛻鉤藤散 治肚痛驚啼。

鉤藤 天麻 茯苓 川芎 白芍各二錢

甘草 蟬蛻各一錢

右燈心水煎服。

【百問】六神散 治腹痛啼哭面青口中冷氣四肢

亦冷曲腰而啼或大便泄瀉及不吮乳。